

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradonačelnik
Broj:01/2-04-89-949/24
Živinice, 13.05.2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03 i 34./03 i 65/13), član 10. Odluke o utvrđivanju kriterija za imenovanje na upražnjenu poziciju u Nadzornom odboru Javnog preduzeća “Eko-Sep” d.o.o. Živinice - Centar za upravljanje otpadom Seperacija 1 broj 01/2-04-89-948/24 od 13.05.2024. godine, Gradonačelnik **o b j a v l j u j e**

JAVNI OGLAS

**za izbor i imenovanje člana Nadzornog odbora Javnog preduzeća “Eko-sep” d.o.o. Živinice
- Centar za upravljanje otpadom Seperacija 1 ispred Grada Živinice**

I OPĆE ODREDBE

Objavljuje se Javni oglas za izbor i imenovanje člana Nadzornog odbora Javnog preduzeća “Eko-sep” d.o.o. Živinice Centar za upravljanje otpadom Seperacija 1, ispred Grada Živinice, kako slijedi:

II OPIS POZICIJE

U skladu sa Zakonom o javnim preduzećima u Federaciji Bosne i Hercegovine (“Službene novine Federacije BiH” broj 08/05, 81/08, 22/09 i 109/12), Zakonom o privrednim društvima FBiH (“Službene novine Federacije BiH”, broj 81/15 i 75/21), i Statuta Javnog preduzeća “Eko-sep” d.o.o. Živinice br. 08-03/2015. od 03.03.2015. godine, nadležnost Nadzornog odbora iz tačke I Oglasa ogleda se u sljedećem:

- a) nadzire poslovanje Društva,
- b) nadzire rad Uprave,
- c) usvaja izvještaj Uprave o poslovanju, polugodišnjem i godišnjem obračunu sa bilansom stanja i bilansom uspjeha i izvještajem revizije,
- d) podnosi Skupštini godišnji izvještaj o poslovanju, koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu poslovnu godinu,
- e) bira predsjednika Nadzornog odbora,
- f) imenuje i razrješava Upravu Društva uz saglasnost Skupštine,
- g) predlaže raspodjelu i način upotrebe dobiti i način pokrića gubitka,
- h) odobrava kupovinu, prodaju, zamjenu, uzimanje u lizing i druge transakcije imovinom direktno ili posredstvom supsidijarnih društava u toku poslovne godine obimu do 33% knjigovodstvene vrijednosti ukupne imovine Javnog preduzeća,
- i) donosi opća akta za čija usvajanja nije predviđena isključiva nadležnost Skupštine,
- j) obrazuje povremene komisije i utvrđuje njihov sastav i zadatke,
- k) odlučuje o procjeni uložene stvari i prava u osnovnom kapitalu,
- l) odlučuje o nabavci i prodaji osnovnih sredstava u skladu sa Statutom Društva,

- m) odlučuje o formiranju podružnica Društva i drugih organizacionih oblika,
- n) donosi odluku o prihvatanju istupanja članova Društva i visini naknade udjela, najviše do visine knjigovodstvene vrijednosti udjela,
- o) predlaže Skupštini isključenje članova Društva iz razloga predviđenih Statutom,
- p) raspravlja i odlučuje o pravima i obavezama zaposlenika u drugostepenom postupku,
- q) utvrđuje prijedlog cijena i način plaćanja usluga koje Javno preduzeće pruža,
- r) priprema Statut i druge opće akte za radne djelatnosti i predlaže ih Skupštini,
- s) usvaja poslovnik o radu Nadzornog odbora,
- t) priprema Etički kodeks i predlaže ga Skupštini,
- u) vrši izbor kandidata Odbora za reviziju i podnosi prijedlog za njegovo imenovanje Skupštini,
- v) razmatra provedbeni propis o janvim nabavkama i nadzire njegovo provođenje,
- w) daje mišljenje Skupštini o prijedlogu Uprave za raspodjelu dobiti,
- x) organizuje izradu vjerodostojnih računovodstvenih evidencija i finansijskih iskaza,
- y) predlaže način pokrića gubitka,
- z) donosi pravilnik o unutrašnjoj organizaciji Javnog preduzeća,
- aa) donosi pravilnik o mjerama zaštite na radu,
- bb) donosi pravilnik o disciplinskoj i materijalnoj odgovornosti u Javnom preduzeću,
- cc) donosi pravilnik o zaštiti od požara,
- dd) donosi pravilnik o računovodstvu i računovodstvenim politikama,
- ee) donosi pravilnik o poslovnoj tajni,
- ff) donosi pravilnik o planiranju, realizaciji i praćenju investicija,
- gg) daje ovlaštenja za aktivnosti koje su ograničene propisima Zakona javnim preduzećima i Zakona o privrednim društvima,
- hh) daje upute Upravi za provođenje preporuka u vezi sa uočenim nepravilnostima,
- ii) podnosi Skupštini godišnji izvještaj o poslovanju Javnog preduzeća, koji obavezno uključuje izvještaj o radu Nadzornog odbora i Odbora za reviziju i plan poslovanja za narednu godinu u okviru trogodišnjeg plana i revidiranog plana,
- jj) predlaže Skupštini povećanje osnovnog kapitala Javnog preduzeća uplatom, unošenjem novih uloga, odnosno smanjenje osnovnog kapitala Javnog preduzeća,
- kk) nadzire Upravu u provođenju preporuka datih od strane Odbora za reviziju, te vanjskog revizora,
- ll) vrši nadzor nad poslovanjem i zakonitošću poslovanja Javnog preduzeća,
- mm) vrši redovno izvještavanje Skupštine o svome radu,
- nn) daje instrukcije organima Javnog preduzeća radi otklanjanja nepravilnosti u radu,
- oo) prisustvuje sjednicama Skupštine Javnog preduzeća i učestvuje u raspravi bez prava glasa,
- pp) vrši pregled poslovnih kartica i dokumentacije Javnog preduzeća,
- qq) obavlja druge poslove predviđene zakonima koji se odnose na Javno preduzeće.

III MANDAT I NAKNADA ZA RAD

Član Nadzornog odbora Javnog preduzeća iz tačke I Oglasa, imenuje se na period od 4 (četiri) godine uz mogućnost ponovnog imenovanja u skladu sa zakonom.

Imenovana osoba ima pravo na naknadu za obavljanje dužnosti u skladu sa zakonom i uslovima utvrđenim općim aktima Javnog preduzeća i isplaćivat će se iz sredstava Javnog preduzeća.

IV USLOVI ZA IMENOVANJE NADZORNIH ODBORA

Kandidati koji se prijavljuju na poziciju iz tačke I Oglasa, moraju ispunjavati opće i posebne

uslove kako slijedi;

A) Opći uslovi:

1. da je državljanin Bosne i Hercegovine,
2. da je stariji od 18 godina ali ne stariji od 65 godina,
3. da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja javnog oglasa,
4. da se na njega ne odnosi član IX.1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federacije BiH,
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
7. da nema poslovni ili finansijski interes u Javnom preduzeću u koje se kandiduje,
8. da mu pravosnažnom presudom suda nije zabranjeno obavljanje aktivnosti koje su u nadležnosti Nadzornog odbora ili da nije osuđivan za krivično djelo ili privredni prestup za radnje nespojive sa dužnošću u Nadzornom odboru, pet godina od dana pravosnažnosti presude, ne računajući vrijeme zatvorske kazne,
9. da se protiv njega ne vodi krivični postupak,
10. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti u Bosni i Hercegovini,
11. da mu pravosnažnim rješenjem o prekršaju nije izrečena zaštitna mjera „zabrana vršenja poziva, djelatnosti ili dužili dužnosti“ niti zabrana aktivnosti za poziciju na koju se kandiduje.

B) Posebni uslovi za člana nadzornog odbora:

1. VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240. ECTS bodova,
2. najmanje 1 (jedna) godina radnog iskustva nakon sticanja VSS na poslovima sa VSS-om,
3. da nije član upravnog ili nadzornog odbora u nekom od reguliranih organa Grada Živinice,
4. da nije na poziciji direktora ili člana uprave u Javnom preduzeću u koje se kandiduje,
5. posjedovanje stručnih i profesionalnih znanja iz oblasti djelatnosti Javnog preduzeća,
6. sposobnost za savjesno, odlučno i odgovorno obavljanje pozicije za koju se kandiduje, kao i sposobnost nepristrasnog donošenja odluka.
7. sposobnost upravljanja finansijskim resursima,
8. da je prošao stručno usavršavanje i da posjeduje sertifikat o završenom usavršavanju shodno Uredbi o usavršavanju predsjednika i članova nadzornih odbora i uprava privrednih društava sa sudjelovanjem državnog kapitala.
Iznimno od naprijed navedenog stava, kandidati koji se prijavljuju na javni oglas za člana Nadzornog odbora a koji ne posjeduju sertifikat, mogu se izjavom ovjerenom kod nadležnog organa obavezati da će u roku od 6 mjeseci proći stručno usavršavanje i steći sertifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja u skladu sa Uredbom.
9. kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjua dužni su priložiti rješenje kojim je kandidatu data pismena suglasnost od strane rukovodioca organa državne službe za obavljanje dopunske djelatnosti.

V POTREBNI DOKUMENTI

Uz potpisanu prijavu na Javni oglas koja sadrži kraću biografiju, adresu i konatakt telefon, po mogućnosti i e mail, kandidati su dužni priložiti;

Kao dokaz o ispunjavanju općih uslova iz tačke IV A Javnog oglasa, kandidati su dužni priložiti;

1. Uvjerenje o državljanstvu, ne starije od 6 mjeseci, (original ili ovjerena kopija),
2. Izvod iz matične knjige rođenih (original ili ovjerena kopija) ili ovjerena kopija lične karte,
3. Ovjerenu izjavu kojom dokazuju da ispunjavaju OPĆE uslove pod rednim brojem 3, 4, 5, 6, 7 i 10. (original)
4. Uvjerenje nadležnog organa kojim dokazuju da ispunjavaju OPĆE uslove pod rednim brojem 8. 9 i 11. (original ili ovjerena kopija).

Napomena; Ovjerenu izjavu, kao dokaz ispunjavanja općeg uslova pod rednim brojem 5. Javnog oglasa, naknadno dostavlja samo onaj kandidat koji bude predložen za imenovanje od strane Gradonačelnika, a prije imenovanja od strane Skupštine Javnog preduzeća.

Kao dokaz o ispunjavanju posebnih uslova iz tačke IV B Javnog oglasa, kandidati su dužni priložiti;

1. Diploma (original ili ovjerena kopija),
2. Dokaz o radnom iskustvu nakon sticanja VSS na poslovima VSS-a (original ili ovjerena kopija),
3. Ovjerenu izjavu kojom dokazuju da ispunjavaju POSEBNE uslove pod rednim brojem 3 i 4. (original).
4. Kao dokaz o ispunjavanju posebnog uslova pod rednim brojem 8. Javnog oglasa kandidat je dužan priložiti Certifikat kojim se dokazuje da je kandidat prošao odgovarajuće usavršavanje u skladu sa Uredbom o stručnom usavršavanju predsjednika i članova nadzornih odbora i uprava privrednih društava sa sudjelovanjem državnog kapitala (original ili ovjerena kopija), **odnosno** ovjerenu izjavu da prihvata obavezu da će u roku od 6 mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja u skladu sa navedenom Uredbom (original).
5. Kao dokaz o ispunjavanju posebnog uslova pod rednim brojem 9. Javnog oglasa, kandidat je dužan priložiti rješenje izdato od rukovodioca organa državne službe kojim dokazuje da ima pisanu saglasnost za obavljanje dopunske djelatnosti (original ili ovjerena kopija).

Napomena; Rješenje kao dokaz o ispunjavanju uslova pod rednim brojem 9. Posebnih uslova iz tačke IV B Javnog oglasa, dostavlja samo onaj kandidat koji je državni službenik ili namještenik i koji bude predložen za imenovanje od strane Gradonačelnika, a prije imenovanja od strane Skupštine Javnog preduzeća. (original ili ovjerena kopija).

U okviru Posebnih uslova, prilikom intervjua cijenit će se i;

1. posjedovanje stručnih i profesionalnih znanja iz oblasti djelatnosti Javnog preduzeća,
2. sposobnost za savjesno, odlučno i odgovorno obavljanje pozicije za koju se kandiduje, kao i sposobnost nepristrasnog donošenja odluka,

3. sposobnost upravljanja finansijskim resursima.

VI OSTALE ODREDBE

Za provođenje Javnog oglasa Gradonačelnik će imenovati komisiju.

Komisija će sastaviti listu kandidata koji ispunjavaju kriterije za imenovanje.

Svi kandidati sa liste koji ispunjavaju uslove bit će pozvani na intervju u roku od 8. dana.

Prilikom pristupanja na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Nakon provedenog intervjua sa prijavljenim kandidatima komisija utvrđuje rang listu sa najboljim kandidatima i istu dostavlja Gradonačelniku.

Prijedlog rang liste treba biti dovoljno obrazložen.

Smatra se da je kandidat koji je prvi na rang listi i kojeg je predložila većina od ukupnog broja članova Komisije, najuspješnije prošao otvorenu konkurenciju.

Gradonačelnik nakon razmatranja prijedloga rang liste kandidata, u roku od 30 dana predlaže nadležnom organu imenovanje najuspješnijeg kandidata na upražnjenu poziciju.

Ukoliko se ne može izvršiti konačno imenovanje kandidata koji je prvi na listi, kandidati koji su rangirani kao sljedeći na listi bit će razmatrani za imenovanje.

Konačno imenovanje objavit će se u “Službenom glasniku Grada Živinice”.

Javni oglas ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu “Večernji list”, službenoj web stranici Grada Živinice i Oglasnoj ploči Grada Živinice.

Napomena: Dokumenti predati uz prijavu neće se vraćati kandidatima.

Prijave sa svim traženim dokumentima dostaviti lično ili preporučeno poštom na adresu:

**Grad Živinice,
ulica Alije Izetbegovića br. 28, 75250 Živinice,
Pisarnica
sa naznakom**

**„Prijava na Javni oglas za izbor i imenovanje člana Nadzornog odbora Javnog preduzeća
“Eko-sep” d.o.o. Živinice - NE OTVARAJ”.**

Gradonačelnik zadržava pravo da u bilo koje vrijeme ovaj Oglas izmijeni, dopuni ili poništi, ne navodeći posebne razloge.

Neblagovremene i nepotpune prijave neće se uzeti u razmatranje.

Gradonačelnik

Dr. sc. Began Muhić s.r.